



## Balestrand kommune - rapport etter dokumenttilsyn med kommunal beredskapsplikt februar/mars 2019

### 1. Bakgrunn for tilsynet

Føremålet med dokumenttilsynet var å kontrollere om kommunen etterlever krav i lov og forskrift om oppfølging av kommunal beredskapsplikt.

Tilsynet er gjennomført med heimel i § 29 i lov av 26. juni 2010 om kommunal beredskapsplikt, sivilbeskyttelse og Sivilforsvaret (sivilbeskyttelseslova), og § 10 i forskrift om kommunal beredskapsplikt, av 22. august 2011.

Tema for tilsynet var beredskapsplanverket, jf. sivilbeskyttelseslova § 15 og forskrift om kommunal beredskapsplikt §§ 4 og 6.

Dokumenttilsynet er gjennomført av Mari Severinsen og Sondre Lekve Bjelle hjå Fylkesmannen.

### 2. Hovudinntrykk

Beredskapsplanverket gir eit godt grunnlag for kriseleiinga si handtering av uønskte hendingar.

Det er viktig å ha tenkt gjennom og førebudd korleis kommunen skal kunne informere og kommunisere med innbyggjarane med ulik språkbakgrunn ved ei eventuell uønskt hending. Vi tilrår difor kommunen å skissere korleis dette er tenkt gjennomført i kriseinformasjonsplanen.

### 3. Resultat

#### 3.1 Definisjonar

Avvik: Brot på krav i lov eller i forskrift.

Merknad: Funn det er grunn til å peike på for å sikre forbetring i oppfølging av beredskapsplikta.

#### 3.2 Avvik

Ingen avvik vert avdekt under dokumenttilsynet.

#### 3.3 Merknad



Informasjonsplanen bør supplerast med korleis innbyggjarar og besøkande med anna språkbakgrunn enn norsk skal sikrast informasjon på ein forståeleg måte ved ei eventuell uønskt hending.